




Broj: 03-017-40/2018

Dana; 17.01.2019. godine

SKUPŠTINA UNSKO-SANSKOG KANTONA



PREDMET: Prijedlog Odluke o davanju saglasnosti za zaključivanje Aneksa Ugovora o reprogramu obaveza po osnovu III Stand by aranžmana sa Međunarodnim Monetarnim Fondom, dostavlja se

Na osnovu člana 95. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu akta dostavljamo vam Prijedlog Odluke o davanju saglasnosti za zaključivanje Aneksa Ugovora o reprogramu obaveza po osnovu III Stand by aranžmana sa Međunarodnim Monetarnim Fondom, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 17.01.2019. godine razmatrala i Zaključkom broj: 03-017-40/2018, utvrdila Prijedlog Odluke o davanju saglasnosti za zaključivanje Aneksa Ugovora o reprogramu obaveza po osnovu III Stand by aranžmana sa Međunarodnim Monetarnim Fondom, koja vam se upućuje na razmatranje.


S poštovanjem,


Prilog: Prijedlog Odluke o davanju saglasnosti za zaključivanje Aneksa Ugovora o reprogramu obaveza po osnovu III Stand by aranžmana sa Međunarodnim Monetarnim Fondom (6x)

Dostavljeno:

1.Naslovu

2.a/a (2x)





Na osnovu člana 16. Zakona o Vladi Unsko-sanskog kantona ("Službeni glasnik Unsko-sanskog kantona", broj: 5/08), na prijedlog Ministarstva finansija, Vlada Unsko-sanskog kantona, na sjednici održanoj dana 17.01.2019. godine, d o n o s i :

Z A K L J U Č A K


I

Utvrđuje se Prijedlog Odluke o davanju saglasnosti za zaključivanje Aneksa Ugovora o reprogramu obaveza po osnovu III Stand by aranžmana sa Međunarodnim Monetarnim Fondom, obrađivača Ministarstva finansija i isti se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-40/2019
Bihać; 17.01.2019.godine



O B R A Z L O Ž E N J E

USTAVNI OSNOV

Član 11.m) A poglavlja V Ustava Unsko-sanskog kantona – prečišćen tekst („Službeni glasnik Unsko-sanskog kantona“ broj (1/04,11/04), - Skupština Kantona donosi i druge propise u obavljanju kantonalnih ovlaštenja.

PRAVNI OSNOV

- Članom 67. stav 1. Zakona o budžetima u Federaciji Bosne i Hercegovine („Službene novine Federacije BiH“ broj: 102/13, 9/14, 13/14, 8/15,91/15,102/15,104/16) određeno je « Federacija, kanton, grad, općina i vanbudžetski fond mogu se zadužiti i izdati garancije u svrhe i na način pod uvjetima i u obimu propisanom uz zakon kojim se uređuje dug, zaduživanje i garancije u Federaciji.»

- Član 40. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“ broj: 86/07, 24/09, 44/10, 30/16), uređena je procedura za zaključivanje kreditnog sporazma Federacije. U stavu 7., citirane odredbe, u slučaju izmjena postojećih kreditnih sporazuma provodi se procedura iz st. od 2. do 6. ovog člana. Ukoliko je inicijativa za izmjenu postojećeg kreditnog sporazuma potekla od kantona, općine, grada ili javnog preduzeća ona će imati istu pravnu snagu kao dokumenti iz stava 6. ovog člana. Članom 41. određeno je da odredebe člana 38, 39. i 40., shodno primjenjuju kantoni, gradovi, općine i javna preduzeća.

- Članom 47. Stav (4) tačka 2) i 3) ovog Zakona uređeno je:

2. Federalno ministarstvo finansija od kantona, grada ili općine može zahtijevati da izradi i dostavi plan mjera za osiguranje prihoda za servisiranje duga. Takav plan podliježe odobrenju Federalnog ministarstva finansija.

3. U slučaju da kanton, grad ili općina ne provede i ne djeluje u skladu sa planom iz stava 4. tačka 2) ovog člana, Federalno ministarstvo finansija može zadržati dio zajedničkih budžetskih prihoda koji pripada kantonu, gradu ili općini. Takva sredstva će se držati odvojeno od drugih sredstava kantona, grada ili općine u toku perioda otplate za troškove u skladu sa ugovorom i podliježu garanciji iz ovog Zakona i plativi su Federaciji u skladu sa uvjetima takvog duga i ukoliko su oni definirani ugovorom.

RAZLOZI ZA DONOŠENJE ODLUKE

Skupština Unsko-sanskog kantona donijela je Odluku o prihvatanju supsidijarnog zaduženja Unsko-sanskog kantona kod Federacije Bosne i Hercegovine za sredstva kredita Međunarodnog monetarnog fonda broj: 01-02-3-421/09 od 07. oktobra 2009.godine. (Odluka u prilogu). Sredstva su namjenjena za finansiranje fiskalnog deficita kao i za finansiranje kapitalnih investicija i posebnih programa odobrenih Budžetom Unsko-sanskog kantona za 2009. godinu. Uslovi po kojima se kredit odobrio bili su :

- Rok otplate 5. godina,
- Grace period 3. godine -uračunat u rok otplate počev od doznačavanja sredstava,
- Kamatna stopa promjenljiva (u vrijeme odobravanja aranžmana iznosila je 1,45% godišnje i određuje je MMF sa SDR (secijalno pravo vučenja),
- Ostali troškovi kredita obračunati su po uslovima pod kojima je sredstva dobila Federacija BiH.

Ukupno odobrena sredstva po ovom kreditu iznose 12.500.000,00KM i doznačena su Kantonu u dvije tranše i to:

Ukupno sredstva po III SBA	I tranša 40% (KM)	II tranša 60% (KM)
uplaćeno	5.000.000	7.500.000
02.12.2009.	2.500.000	
23.12.2009.	2.500.000	
31.12.2009.		7.500.000

Ukupne obaveze Kantona po ovom kreditu iznose 13.445.614,86 KM, a struktura je data u tabeli koja slijedi:

Opis	I tranša		II tranša		Ukupno (KM)
	Iznos KM	Rok otplate	Iznos KM	Rok otplate	
Kamata i ostali troškovi	318.790,54	01.02.2010. do 01.08.2014.	559.411,29	01.02.2010. do 01.05.2015. g.	878.201,83
Naknada za usluge I i II tranše	30.077,84	10.07.2009	37.335,19	26.03.2010	67.413,03
Glavnica	5.000.000,00	10.10.2012 do 10.07.2014.g	7.500.000,00	26.06.2013. do 26.03.2015. g.	12.500.000,00
ukupno:	5.348.868,38		8.096.746,48		13.445.614,86

Sve obaveze po osnovu kamate i ostalih troškova i naknada su redovno plaćane po prispjeću faktura od Federalnog ministarstva finansija.

Na osnovu Odluke o prihvaćanju zaduženja FBiH po IV Stand by aranžmanu sa MMF-om broj:01,02-14-1073/12 od 06. septembra 2012. godine tačkom V Odluke „ovlašćuje se Federalno ministarstvo finansija da izvrši reprogram obaveza kantona po osnovu III Stand by aranžmana sa rokom otplate od pet godina i kamatnom stopom jednakoj kamatnoj stopi koja se obračunava za plaćanje obaveza prema MMF-u po osnovu IV Stand by aranžmana.“

Na osnovu toga Skupština Unsko-sanskog kantona donijela je Odluku o davanju saglasnosti za zaključivanje Ugovora o reprogramu obaveza po osnovu III Stand by aranžmana sa Međunarodnim monetarnim fondom broj: 01-02-3-460/13 od 22. januara 2013.godine. (Odluka u prilogu)

Između Federacije Bosne i Hercegovine i Unsko-sanskog kantona 18.03.2013. godine potpisan je Ugovor o reprogramu obaveza po osnovu III Stand by aranžmana sa Međunarodnim monetarnim fondom u iznosu od 12,5 miliona KM, sa reprogramiranim planom otplate u iznosu od 13. kvartalnih rata po 961.538,46 KM počevši od 10.04.2014. godine i završno sa 10.10.2017. godine.

Imajući u vidu trenutno teško stanje Budžeta Unsko-sanskog kantona, sa ukupnim dospjelim a neplaćenim obaveza na dan 20.12.2018. godine u iznosu 42.773.951,90 KM, a u cilju stabilizacije Budžeta predlažemo donošenje odluke o zaključivanju Aneksa ugovora o reprogramu obaveza po kreditu MMF-a Stand by- aranžman III.

Po navedenom Ugovoru Kanton je izmirio šest rata po 961.538,46 KM (za period od 10.04.2014.g. do 10.01.2016. godine) što ukupno iznosi 5.769.230,76 KM. Preostali dug po ovom kreditu (od sedam rata za period od 10.04.2016. do 10.10.2017.g.) iznosi 6.730.769,24 KM, i on je predmet reprograma obaveza. Reprogramom predviđen je povrat jedne rate u 2019. godini, te po dvije rate u 2020.,2021. i 2022. godini kako slijedi:

- Jednu ratu u 2019. godini i to:
 - Isplatiti do 10.10.2019. godine iznos od 961.538,46 KM
- Dvije rate u 2020. godini i to:
 - Isplatiti do 10.04.2020. godine iznos od 961.538,46 KM,
 - Isplatiti do 10.10.2020. godine iznos od 961.538,46 KM,
- Dvije rate u 2021. godini i to:
 - Isplatiti do 10.04.2021. godine iznos od 961.538,46 KM,

- Isplatiti do 10.10.2021. godine iznos od 961.538,46 KM.
- Dvije rate u 2022. godini i to:
 - Isplatiti do 10.04.2022. godine iznos od 961.538,46 KM,
 - Isplatiti do 10.10.2022. godine iznos od 961.538,46 KM,

Federalno ministarstvo finansija je svojim aktom broj: 08-14-5-6431/18 od 17.10.2018.godine, obavijestilo ovaj organ da su saglasni sa prijedlogom reprograma, te da je prije potpisivanja Ugovora potrebno da Skupština Unsko-sanskog kantona donese Odluku kojom daje saglasnost na reprogram obaveza i ovlasti ministra Ministarstva finansija da potpiše Aneks Ugovora kojim se reprogramiraju obaveze.

MINISTAR

dr. sci. Verdán Prša

OTPLATNI PLAN

Reprogramirani otplatni plan - obaveza po III Stand-by Aranžmanu sa Međunarodnim monetarnim fondom (MMF-om) – Unsko-sanski kanton, kako sljede:

R.br.	Datum	Rata (u KM)	Postojeće obaveze (u KM)-DUG
			6.730.769,24
1.	10.10.2019.	961.538,46	5.769.230,78
2.	10.04.2020.	961.538,46	4.807.692,32
3.	10.10.2020.	961.538,46	3.846.154,86
4.	10.04.2021.	961.538,46	2.884.615,40
5.	10.10.2021.	961.538,46	1.923.076,94
6.	10.04.2022.	961.538,46	961.538,48
7.	10.10.2022.	961.538,48	0,00

**UGOVOR O REPROGRAMU OBAVEZA PO OSNOVU III STAND BY
ARANŽMANA SA MEĐUNARODNIM MONETARNIM FONDOM**

između

FEDERACIJE BOSNE I HERCEGOVINE

koju zastupa

FEDERALNO MINISTARSTVO FINANSIJA-FINANCIJA

i

UNSKO-SANSKOG KANTONA

kojeg zastupa

MINISTARTVO FINANSIJA KANTONA

Sarajevo, 18.03 2013. godine

UGOVOR O REPROGRAMU OBAVEZA

Zaključen na dan 18.03. 2013. godine između Federacije Bosne i Hercegovine koju zastupa Federalno ministarstvo finansija/financija (u daljem tekstu: "Zajmodavac") i Unsko-sanskog kantona, kojeg zastupa Ministarstvo finansija (u daljem tekstu: "Zajmoprimac") za Reprogram obaveza po osnovu III Stand by aranžmana sa Međunarodnim Monetarnim Fondom (u daljem tekstu: MMF).

PREAMBULA

BUDUĆI DA JE:

1. 2009. godine zaključen Ugovor o prenosu kreditnih sredstava po III Stand by aranžmanu MMF-a sa Vladom Federacije Bosne i Hercegovine između Federacije Bosne i Hercegovine i Unsko-sanskog kantona.
2. 06.09.2012. godine Predstavnički dom i 04.09.2012. godine Doma naroda Parlamenta Federacije Bosne i Hercegovine, donijeli Odluku o prihvatanju zaduženja Federacije Bosne i Hercegovine po IV Stand by aranžmanu sa MMF-om;
3. Tačkom V Odluke Parlamenta Federacije Bosne i Hercegovine Federalno ministarstvo finansija/financija ovlašteno da izvrši Reprogram obaveza kantona po osnovu III Stand by aranžmana sa MMF-om;
3. 22.01.2013.godine, Skupština Unsko-sanskog kantona donijela Odluku o davanju saglasnosti za zaključivanje Ugovora o reprogramu obaveza po osnovu III Stand by aranžmanu sa MMF-om, broj: 01-02-3-460/13;
4. Ministarstvo finansija Unsko-sanskog kantona uputilo zahtjev Federalnom ministarstvu finansija za reprogram obaveza broj: 04/2-14-9895-2/12 od 05.10. 2012. godine;

Ovim se ugovorne strane slažu kako slijedi

Član 1.

Predmet ugovora

Ovim Ugovorom reprogramu obaveza po osnovu III Stand by aranžmana sa MMF-om (u daljem tekstu: Ugovor), utvrđuju se obaveze i uslovi pod kojim će se izvršiti Reprogram obaveza Kantona po osnovu III Stand by aranžmana (u daljem tekstu: SBA) sa MMF-om.

Zajmodavac će izvršiti Reprogram obaveza kredita MMF-a po III SBA u ukupnom iznosu od 12.500.000 KM, a Zajmoprimac se obavezuje platiti ugovorenu kamatu, naknade i troškove, te vratiti cjelokupan iznos Kredita, pod uslovima, u vrijeme i na način kako je utvrđeno ovim Ugovorom.

Valuta Reprograma je KM (konvertibilna marka), u protuvrijednosti SDR (specijalna prava vučenja) koja je obračunska valuta.

Član 2.

Uslovi Reprograma

Zajmodavac odobrava Reprogram obaveza Zajmoprimcu po osnovu III SBA u ukupnom iznosu glavnice od 12.500.000 KM (slovima: dvanaest milionapetstotina hiljada KM), sa rokom otplate 5 (pet) godina i grace periodom 2 (dvije) godine.

Skupština Zajmoprimca je usvojila Odluku o davanju saglasnosti za zaključivanje Ugovora o reprogramu obaveza po osnovu III SBA sa MMF-om, i Zajmodavcu je dostavljen izvod iz službenih novina Zajmoprimca u kojima je Odluka objavljena.

Član 3.

Instrumenti osiguranja

U svrhu osiguranja naplate potraživanja po ovom Ugovoru, Zajmoprimac daje neopozivo ugovorno ovlaštenje Zajmodavcu da direktno sa računa Javnih prihoda Federacije Bosne i Hercegovine, i to iz dijela prihoda koji pripadaju Zajmoprimcu, izvrši naplatu bilo kojeg dospjelog, a neizmirenog potraživanja iz ovog Ugovora.

Član 4.

Dospijeće i otplata

Dospijeće glavnice Kredita (reprograma) je 5 (pet) godina u skladu sa Otplatnim planom koji je sastavni dio ovog Ugovora.

Grace period je 2 (dvije) godine uračunat u dospijeće kredita (reprograma) u skladu sa Otplatnim planom koji je sastavni dio ovog Ugovora.

Zajmodavac će obavijestiti Zajmoprimca o datumu dospijeća i iznosu koji dospijeva na naplatu na taj datum najkasnije 5 (pet) radnih dana prije dospijeća.

Član 5.

Kamata

Kamata će se obračunavati po referentnoj kamatnoj stopi MMF-a za SDR koja je promjenjiva i plaćat će se u KM.

Zajmodavac će 5 (pet) radnih dana prije početka svakog kamatnog razdoblja obračunati iznos kamate koju je Zajmoprimac dužan platiti za to kamatno razdoblje i o istom obavijestiti Zajmoprimca, a Zajmoprimac se obavezuje u roku od 8 (osam) dana od dana dospjeća kamate istu i platiti.

U okviru Reprograma, kamate će se obračunavati tromjesečno i dospijevaju na naplatu u konvertibilnim marakama.

Na sve dospjele, a neplaćene iznose koje Zajmoprimac duguje na osnovu ovog Ugovora, nakon isteka roka od 8 (osam) dana obračunava se i naplaćuje uvećana kamata za kašnjenje u visini zakonske zatezne kamate u Federaciji Bosne i Hercegovine.

Član 6.

Ostali troškovi

Zajmoprimac je saglasan da na zahtjev Zajmodavca plati i sve druge pripadajuće troškove i naknade koje je Zajmoprimac platio ili treba da plati MMF-u.

Član 7.

Dužnosti Zajmodavca

Zajmodavac je dužan obavljati sve potrebne izračune u pogledu iznosa glavnice, kamata, naknada, te troškova plativih od strane Zajmoprimca.

Zajmodavac je dužan najmanje 5 (pet) radnih dana prije dospjeća, Zajmoprimcu poslati zahtjev za plaćanjem potraživanog iznosa glavnice, kamata, naknada, te svih troškova vezanih za Reprogram.

Član 8.

Obavijesti

Osim ako ovim Ugovorom nije drugačije određeno, sva obavještenja, zahtjeve i druge dopise u vezi sa ovim Ugovorom, ugovorne strane će sačiniti u pisanoj formi.

Član 9.

Rješavanje sporova

Na sve što nije regulisano ovim Ugovorom, primjenjivat će se odredbe Zakona o obligacionim odnosima i drugih važećih zakona u Federaciji Bosne i Hercegovine.

Svi sporovi koji proizlaze iz ovog Ugovora ili u vezi sa njim, a koji ne budu riješeni sporazumno između Zajmodavca i Zajmoprimca rješavat će se na nadležnom sudu u Sarajevu.

Član 10.

Završne odredbe

Zajmoprimac potvrđuje da je pročitao ovaj Ugovor, bezuslovno ga prihvata, te da je upoznat sa svim uslovima Reprograma, što potvrđuje svojim potpisom.

Ovaj Ugovor stupa na snagu danom potpisivanja, i ostaje na snazi sve dok se njegove odredbe u potpunosti ne ispune.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva).

Zajmodavac:

Zajmoprimac:

Federacija Bosne i Hercegovine

Unsko-sanski kanton

Federalno Ministarstvo finansija-financija

Ministarstvo finansija
Unsko-sanskog kantona
Ministar



Prilog 1

OTPLATNI PLAN

**REPROGRAMIRANI OTPLATNI PLAN
III STAND-BY ARANŽMANA SA MMF**

KANTON	IZNOS KM	Prijedlog otplate		
		Datum	Rata	br.rata
Unsko-sanski	12.500.000,00	10.10.2014.	961.538,46	1
		10.01.2015.	961.538,46	2
		10.04.2015.	961.538,46	3
		10.07.2015.	961.538,46	4
		10.10.2015.	961.538,46	5
		10.01.2016.	961.538,46	6
		10.04.2016.	961.538,46	7
		10.07.2016.	961.538,46	8
		10.10.2016.	961.538,46	9
		10.01.2017.	961.538,46	10
		10.04.2017.	961.538,46	11
		10.07.2017.	961.538,46	12
		10.10.2017.	961.538,48	13

70.

Na osnovu člana 11 m) odjeljak A, poglavlje V, Ustava Unsko-sanskog kantona, "Službeni glasnik Unsko-sanskog kantona" broj: 1/04, 11/04), člana 46 Zakona o budžetima/proračunima u Federaciji Bosne i Hercegovine ("Službene novine Federacije BiH" broj: 19/06, 76/08, 5/09, 32/09, 9/10, 36/10, 45/10) a u vezi sa članom 40 Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 14/08, 24/09 i 44/10) Skupština Unsko-sanskog kantona na svojoj 31. sjednici održanoj dana 22.01.2013. godine, donosi:

ODLUKU

**O DAVANJU SAGLASNOSTI ZA
ZAKLJUČIVANJE UGOVORA O
REPROGRAMU OBAVEZA PO OSNOVU
III STAND BY ARANŽMANA SA
MEĐUNARODNIM MONETARNIM
FONDOM**

I

Daje se saglasnost za zaključivanje Ugovora o reprogramu obaveza po osnovu Stand by aranžmana sa Međunarodnim monetarnim fondom između Federacije Bosne i Hercegovine (u daljem tekstu: Federacija) i Unsko-sanskog kantona.

II

Za potpisivanje Ugovora iz tačke I. ove odluke ovlašćuje se ministar Ministarstva finansija Unsko-sanskog kantona.

III

Reprogram obaveza iz tačke I. ove Odluke odobrava se po slijedećim uslovima:

- iznos glavnice - 12. 500. 000 KM
- period otplate: - 5 godina
- grace period - 2 godine
- otplata glavnice - u jednakim kvartalnim ratama - kamatna stopa - promjenjiva, koju

određuje MMF za SDR (trenutno E08% na godišnjem nivou)

IV

U svrhu osiguranja urednog izmirenja obaveza po osnovu Ugovora iz tačke I. ove Odluke, Unsko-sanski kanton je saglasan da se Federacija, u slučaju neispunjenja preuzetih obaveza direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Unsko-sanskom kantonu.

V

Za realizaciju ove Odluke i izvještavanje zadužuje se Ministarstvo finansija Unsko-sanskog kantona.

VI

Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona".

Broj: 01-02-3- 460/13
22.01.2013. godine
B i h a ć

Predsjedavajući Skupštine
Unsko-sanskog kantona
dipl. pravnik Admir Hadžipašić

71.

Na osnovu člana 2 b) poglavlje IV i člana 11 m) odjeljak A poglavlje V, Ustava Unskosanskog kantona – prečišćeni tekst („Službeni glasnik Unsko-sanskog kantona“ broj: 1/04 i 11/04), i člana 173, tačka e) Zakona o srednjem obrazovanju („Službeni glasnik Unsko-sanskog kantona“ broj: 17/12), na prijedlog Vlade Unskosanskog kantona, Skupština Unsko-sanskog kantona na 31. sjednici održanoj dana 22.01.2013. godine, donijela je s l j e d e ć u:

ODLUKU**I**

Proglašava se javni interes za radom odgojno-obrazovne ustanove Sustav katoličkih škola „Škola za Europu“ KŠC „Ivan Pavao II“ Bihać

233/253 4-17
BROJ: 08-14-5-6431/18 E.Š.
SARAJEVO, 17.10.2018. GODINE

UNSKO-SANSKI KANTON
MINISTARSTVO FINANSIJA
BIHAĆ
N/p ministrice

08-14-6431-1/18

PREDMET: Zahtjev za reprogram obaveza po kreditima MMF Stand by-aranžman III i Raiffeisen bank Austria

VEZA: Vaš akt broj: 04-14-4758-4/18 od 05.10.2018.godine

Vašim aktom broj i datum gornji, uputili ste nam zahtjev za reprogram obaveza po kreditima Međunarodnog monetarnog fonda - Stand by-aranžman III i Raiffeisen bank Austria - Projekat modernizacije Univerziteta u Bihaću, a u skladu sa zaključkom sa održanog zajedničkog sastanka od 12.09.2018.godine, na kojem smo upoznati sa trenutnom situacijom u Unsko-sanskom kantonu i poteškoćama kojima je opterećen budžet kantona.

Iz naprijed navedenih razloga, obaveze po kreditima Stand-by aranžman III (budžetska podrška) i Raiffeisen bank Austria (modernizacija Univerziteta u Bihaću) nisu redovno servisirane. Dospjele neplaćene obaveze iznose 6.730.769,24 KM, odnosno 1.979.114,00 KM.

U skladu sa dogovorom sa navedenog sastanka, obratili ste se sa zahtjevom za reprogram obaveza u skladu sa odredbama člana 47. Zakona o dugu, zaduživanju i garancijama u Federaciji BiH („Službene novine FBiH“, broj: 86/07, 24/09, 44/10 i 30/16), koje podliježe odobrenju Federalnog ministarstva finansija-financija.

Prema Vašem prijedlogu, kreditne obaveze po kreditu MMF-a bi se počele otplaćivati u 2019.godini, dok bi zadnji datum otplate bio 2022.godine, u kojem periodu otplate bi stabilizirali budžet, dok za kredit prema Raiffesen bank Austria predlažete da se nastavi sa trenutnim dospeljima obaveza, dok bi za dospelje a neplaćene obaveze iz prethodnog perioda produžili rok otplate do 31.12.2030.godine.

U vezi sa navedenim, obavještavamo Vas da smo saglasni sa prijedlogom reprograma, te je prije potpisivanja Ugovora o reprogramu, potrebno da Skupština Unsko-sanskog kantona donese odgovarajuću Odluku kojom daje saglasnost na reprogram obaveza, te ovlašćuje ministra finansija da potpiše Aneks na Ugovor kojim se reprogramiraju obaveze.

Također, s obzirom na izvjesnost gašenja Javnog preduzeća Regionalna deponija Bihać, potrebno je nakon donošenja odluke o likvidaciji privrednog subjekta, aktivirati član 49. Zakona o dugu, zaduživanju i garancijama u Federaciji BiH, kojim se garantovani iznos pretvara u dug izdavaoca garancije, odnosno Unsko-sanskog kantona.

S poštovanjem,



MINISTRICA

Jelka Milićević

Na osnovu člana 11. m) odjeljak A poglavlje V Ustava Unsko-sanskog kantona („Službeni glasnik Unsko-sanskog kantona“ broj:1/04,11/04), člana 67. Zakona o budžetima/propačunima u Federaciji Bosne i Hercegovine („Službene novine Federacije BiH“ broj: br.102/13, 9/14, 13/14, 8/15,91/15,102/15,104/16), a u vezi sa članom 40. i 47. stav (4) tačke 2) i 3) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH”, br. 86/07, 24/09, 44/10,30/16) Skupština Unsko-sanskog kantona na svojoj _____ sjednici održanoj dana _____ 2019.godine, d o n o s i:

O D L U K U

O DAVANJU SAGLASNOSTI ZA ZAKLJUČIVANJE ANEKSA UGOVORA O REPROGRAMU OBAVEZA PO OSNOVU III STAND BY ARANŽMANA SA MEĐUNARODNIM MONETARNIM FONDOM,

I

Daje se saglasnost za zaključivanje Aneksa na Ugovor o reprogramu obaveza po osnovu III Stand By Aranžmana sa Međunarodnim Monetarnim Fondom od 18.03.2013.godine, kojim će se regulisati reprogram obaveza po osnovu zaduženja, između Federacije Bosne i Hercegovine i Unsko-sanskog kantona.

II

Za potpisivanje Aneksa Ugovora iz tačke I ove Odluke ovlašćuje se ministar Ministarstva finansija Unsko-sanskog kantona.

III

Reprogram obaveza, iz tačke I ove Odluke, odobrava se pod sljedećim uslovima: Predmet reprograma je iznos glavnice, dospjele u periodu 10.04.2016.godine do 10.10.2017. godine, u iznosu od 6.730.769,24KM-a i isplatit će se na sljedeći način:

1. Jednu ratu u 2019. godini i to:
 - a) Isplatiti do 10.10.2019. godine iznos od 961.538,46 KM
2. Dvije rate u 2020. godini i to:
 - a) Isplatiti do 10.04.2020. godine iznos od 961.538,46 KM,
 - b) Isplatiti do 10.10.2020. godine iznos od 961.538,46 KM,
3. Dvije rate u 2021. godini i to:
 - a) Isplatiti do 10.04.2021. godine iznos od 961.538,46 KM,
 - b) Isplatiti do 10.10.2021. godine iznos od 961.538,46 KM,
4. Dvije rate u 2022. godini i to:
 - a) Isplatiti do 10.04.2022. godine iznos od 961.538,46 KM,
 - b) Isplatiti do 10.10.2022. godine iznos od 961.538,46 KM,

IV

U svrhu osiguranja urednog izmirenja obaveza po osnovu Aneksa, iz tačke I ove Odluke, Unsko-sanski kanton je saglasan da se Federacija Bosne i Hercegovine, u slučaju neispunjenja preuzetih obaveza direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Unsko-sanskom kantonu.

V

Za realizaciju ove Odluke i izvještavanje zadužuje se ministar Ministarstva finansija Unsko-sanskog kantona.

VI

Ova Odluka stupa na snagu narednog dana od dana objavljivanja u “Službenom glasniku Unsko-sanskog kantona.”

Broj:
Datum:

PREDSJEDAVAJUĆI
SKUPŠTINE UNSKO-SANSKOG KANTONA